

კონკურსი აჭარის ფიზიკის მასწავლებლებისთვის - ერთკვირიანი სტაჟირება ევროპულ ცენტრში CERN - 2026

➡ ა(ა)იპ აჭარის განათლების ფონდი (ბათუმის მასწავლებლის სახლი) აცხადებს საჯარო და კერძო სკოლის ფიზიკის მასწავლებელთა კონკურსს ქ. ჟენევაში (შვეიცარია) მდებარე ბერთვული კვლევების ევროპულ ცენტრში (CERN - Organisation Européenne pour la Recherche Nucléaire) ერთკვირიან სტაჟირებაზე გასაგზავნად. **სტაჟირება განხორციელდება 2026 წლის 1-6 მარტს.**

➡ კონკურსის შედეგად შეირჩევა ფიზიკის 4 პედაგოგი აჭარის ავტონომიურ რესპუბლიკის ტერიტორიაზე მოქმედი საჯარო და კერძო სკოლებიდან. მათი სტაჟირების სრული დაფინანსება განხორციელდება ა(ა)იპ აჭარის განათლების ფონდის (ბათუმის მასწავლებლის სახლი) მიერ. **კერძო სკოლის მასწავლებლის სტაჟირება დაფინანსდება მათი სკოლის მიერ.**

➡ სტაჟიორი ვალდებულია ვიზიტის დასრულებიდან ერთი თვის ვადაში, სკოლაში შექმნას არანაკლებ 10 წევრისაგან (მოსწავლე) შემდგარი სასკოლო კლუბი, რომლის მოქმედების ვადაც განისაზღვრება არანაკლებ ერთი სასწავლო წლით.

➡ კონკურსის პირობები:

კონკურსში მონაწილე:

1. უნდა ასწავლიდეს აჭარის ავტონომიურ რესპუბლიკის ტერიტორიაზე მოქმედ საჯარო ან კერძო სკოლაში;
***შენიშვნა¹:** კონკურსში კერძო სკოლის მასწავლებლის მონაწილეობის შემთხვევაში, კონკურსანტმა დამატებით უნდა წარმოადგინოს სკოლის ადმინისტრაციის თანხმობა დაფინანსების თაობაზე.*
2. უნდა იყოს სკოლის მოქმედი, ფიზიკის პედაგოგი (უფროსი, წამყვანი, მენტორი) და უნდა ჰქონდეს ჩაბარებული საგნობრივი გამოცდა ფიზიკაში;
***შენიშვნა²:** თანაბარი ქულების მიღების შემთხვევაში უპირატესობა მიენიჭება მაღალი სტატუსის მქონე კანდიდატს;*
3. არ უნდა იყოს ნამყოფი ზემოხსენებულ კვლევით ცენტრში.

➡ კონკურსის ეტაპები:

კანდიდატების შერჩევა მოხდება ორ ეტაპად:

I ეტაპი: დოკუმენტაციის ელექტრონულად მიღება/გადარჩევა

II ეტაპი: კომისიასთან გასაუბრება, განხორციელებული პროექტ-გაკვეთილის

წარდგენა/პრეზენტაცია და შეფასება.

➡ საჭირო დოკუმენტაცია:

1. CV ქართულ ენაზე
2. პირადობის მოწმობის ასლი
3. დიპლომის ასლი
4. ფიზიკის მასწავლებლის საგნობრივი გამოცდის ჩაბარების დამადასტურებელი დოკუმენტი
5. ცნობა სკოლიდან ფიზიკის საგნის მასწავლებლობის შესახებ (სტატუსის მითითებით!)

6. სკოლაში განხორციელებული სასწავლო პროექტი-გაკვეთილი ფიზიკაში პრეზენტაციის (Power Point-ის) სახით (10 სლაიდი/თხრობის ხანგრძლივობა 10 წუთი)

→ პრეზენტაციის აღწერა:

- ✓ პროექტ-გაკვეთილის პრეზენტაცია წარმოდგენილი უნდა იყოს საგაკვეთილო რესურსის ნიმუშის სახით და უნდა შეიცავდეს მოსწავლეზე ორიენტირებულ კონკრეტულ სასწავლო სტრატეგიებს, მეთოდებს და მიდგომებს
- ✓ პრეზენტაცია უნდა ასახავდეს ფიზიკის სწავლების თანამედროვე ან ორიგინალურ მეთოდებს საკუთარი პრაქტიკიდან
- ✓ პრეზენტაცია უნდა მოიცავდეს: პროექტ-გაკვეთილის აღწერას, განხორციელების და საბოლოო პროდუქტის ამსახველ ფოტო ან ვიდეომასალას.

→ დოკუმენტაციის მიღების პირობა და ვადა:

ზემოთ ჩამოთვლილი დოკუმენტაცია და პრეზენტაცია უნდა გამოგზავნოთ შემდეგ ელექტრონულ მისამართზე: ajaraedufund@gmail.com

დოკუმენტაციის წარდგენის ბოლო ვადაა 2025 წლის 5 დეკემბერი (18.00 სთ)

შენიშვნა:

1. არასრული ინფორმაციის შემცველი განაცხადები არ განიხილება!
2. ვადების დარღვევით შემოსული განაცხადი არ განიხილება!!!

→ ინფორმაციის გაცემაზე პასუხისმგებელი პირი:

ლალი ლომთათიძე

დირექტორის მოადგილე,

ა(ა)იპ აჭარის განათლების ფონდი

საკონტაქტო ტელეფონი: 599 940 466

მისამართი: ქ. ბათუმი, ბაგრატიონის ქუჩა #123